

新修山東鹽法

卷十二之卷十三



山東鹽法志第十二卷目錄

古蹟

山川

河防

橋梁

祠廟

祀典附

陵墓

坊表



山東鹽法志卷之十二 目錄

古觀

山東鹽法志第十二卷

古蹟

序曰表裏山河百貨是滋報本飲蜡樂業事神
 古人所不廢也苦夫河防用洩水潦橋梁用濟
 旅徒皆致治所必謹曠望千秋食其茹土仰其
 德行肇稱殷祀非巫覡之小術也爰志古蹟云

爾

山川

附註二東惟泰山沂山為山左大鎮
 不得載其餘山川不備錄祇紀其
 近場竈涉鹽運者又舊志山川錯載恐
 畛域易淆今分列於各府境內以便考

稽

濟南府境內

泰山爲東嶽岱宗舜典歲二月東巡狩至於岱宗是也在泰安州北五里詳岱志

歷山俗傳卽舜耕處或云舜耕之山在平陽山南危石矗立如佛頭人呼爲大佛頭山亦名千佛山南屬泰岱東連琅邪崇岡疊嶂脊脉不斷在府城南五里

廟山上有舜廟故名在府城東十里

峒不注山一名金輿山下有峒泉左傳晉師逐齊侯三周峒不注逢丑父與公易位使公下如峒泉取飲以免卽此在府城東北十五里山前道院中有石刻太白諸賢詩
標山山石並立如標在府城北十里其居東者山有洞如屋可避風雨

奎山三齊記殷時有道士隱此野火四發道士祈天卽雨今人遇旱燒山禱雨常應在府城西南十五里

藥山產陽起石故名在府城西北十五里大清河南

龍洞山山如重甍上有東西二洞西洞透深一里許東洞出萬仞絕壁之上洞口釜鬻尚存煙火之跡如墨昔人避兵引絙以上中有泉不知其深幾許又有翠屏巖秀峯三秀峯峯側又有龍洞禱雨輒應宋封靈虛公下有黑龍潭懸珠泉在府城東南三十里

鵲山俗傳每歲七八月有烏鵲翔集又云扁鵲

煉丹處在府城北二十里大清河

函山

古稱山山音歐稱函者訛也

泰山之北麓又名卧佛山

西陽雜俎云齊郡函山有鳥名王母使者漢

武帝登此得玉函化為白鳥去即此在府

城南二十里

自歷山至此俱近濼口批驗所

久山世傳秦始皇築此山久鎮海口在霑化縣

東北七十里

近永利富國二場

大清河即濟水故道濟水伏流不見汶水自泰

安州出者由故道自寧陽界西南流至汶上

縣北泗汶村至東平州南西北流入東阿縣
 界又東北經長清齊河歷城濟陽齊東武定
 青城濱州蒲臺利津等州縣入海自元時於
 寧陽縣東築堽城壩遏汶水入洸以通運河
 明永樂間又於東平州東築戴村壩盡遏汶
 水入會通河於是入海之道多塞汶水既入
 運河者又從張秋分流復由故道合小清河
 東北注海

此河流經濼口
蒲臺二批驗所

小清河一名濼水俗名鹽河源出歷城趵突泉

豐由峒不注山東行會巨合水又東經章邱會
 清河濼河合流經鄒平長山新城會孝婦河
 又東經高苑博興至樂安車馬瀆入海按古
 濼水自峒不注山東北入大清河偽齊劉豫
 導之東行爲小清河今海運久廢河道漸淤
 其水復自峒不注東北入大清河而小清河
 所受止鄒平而下澣山泊河白條溝鄭黃溝
 孝婦河烏河諸流而已

此河流經王家岡場
已上二河鹽運要津

烏河在新城縣東三十里源出青州益都縣矮

槐樹北卽時水也亦作矜水左傳齊晉盟於
矜外是也又名乾時左傳公與齊侯戰於乾
時是也其色黑故名流入小清河

孝婦河在淄川縣西門外源出益都縣顏神鎮
南三里輿地志言有顏文姜事姑至孝常踰
歷山險汲新泉以供姑嗜一泉湧於室遂
流成河故名此水合瀧萌二水北經長山新
城縣界流入小清河

豐齊河在長清縣東北三十里自泰山北下會

柳塢都泉諸溪經中宮渴馬崖西北至郭家
界入大清河已上三河
俱助運道

趵突泉在府城西一名瀑流平地泉湧高或至
數尺蓋濟水伏流至此而發濼水之源也由
東北注小清河入海詳見宋曾鞏二堂記旁
爲明時李攀龍白雪樓今改爲白雪書院

舜泉在府城內舜祠下又名舜井又名源源泉
古明湖在府城內西北隅源出歷下諸泉一名
西湖其地占城地三之一由北水門出流注

大小清河入海今多為民居填塞治圃夾蘆
 為沼小舟僅通曲港而蔬果蓮藕菱芡魚蒲
 之利民頗資之其南為濯纓湖上建龍章書
 院巡撫陳世倌與臬司全旬捐俸延師課士
 各郡邑及運學生童皆與焉

灤水水經注云灤水出歷城故城西南泉源上
 水湧若輪春秋桓十有八年公會齊侯於灤
 是也俗謂之娥姜水以泉源有舜妃娥英廟
 故也又云灤水北流注於濟謂之灤口在府

城西北十二里

豐水在淄川縣東北三十五里豐泉鄉流入小

清河已上二泉一流其南流於山曰觀瀆下湖助鹽運

蛤蜊鹽池唐書棣州有蛤蜊鹽池李納城而戍
 之以專其利今為平地在武定州

管子城在灤口

官竈城在利津縣南遺址生棘向上俗傳云順

皇棘近水阜場

附考濟南所屬惟濱州及海豐利津霑化

三縣瀕海註詳後
皇州兗州府境內

魚山一名吾山漢武帝瓠子歌曰功無已時兮

吾山平吾山平兮鉅野溢楚辭註云吾山即

魚山五代史載梁太祖與兗鄆兵大戰於此

在東阿縣西八里大清河西岸李嶽然而

新開河即濟河之下流其南岸有山曰蹲龍下

有盤石跨河舟行者患之宋張方平鑿新河

引水北行以避之民甚稱便在平陰縣西十

里

東流泉其流頗長北入鹽河在東阿縣南十六

里

桃山泉在平陰縣南木家溝入鹽河

輝泉在平陰縣桃山泉稍下孫家窩入鹽河

平陰泉在桃山泉稍上

青州府境內

沂山周禮職方氏青州其山鎮曰沂山即沂水

所出今為東鎮在臨朐縣南一百二十五里

西接岱宗東連琅邪巨海載諸祀典初有封爵後削去止稱東鎮之神

琅邪山在諸城縣東南一百五十里東鎮大海齊景公遵海而南放於琅邪卽其地秦始皇二十八年南登琅邪大樂之留三月立層臺於上徙黔首三萬戶於臺下立石頌德太平御覽云碑有六百字可讀臺側有四時祠臺上有神泉人或汚之卽竭漢武帝亦嘗登焉隋置豐泉縣今山下井邑基址猶存

常山宋蘇軾雩泉記云歲旱禱雨未嘗不應蓋有常德者故謂之常山在諸城縣西南三十里泲淇水發源於此

廬山蘇軾超然臺記云東則廬山秦人盧敖之所從遁也上有盧敖洞飲酒臺聖燈巖在諸城縣東南四十五里廬水發源於此

馬耳山形如馬耳蘇軾詩云孤雲落日在馬耳卽此在諸城縣西南六十里

九僊山蘇軾稱其竒秀不減鴈蕩在諸城縣西

南七十里

自琅邪山至此
俱近信陽場

會稽山在日照縣西北四十里又西北十里有

荆山又三十里有牌孤山

馱兒山山椒有石如人負兒之狀寨河之源出

此在日照縣西北八十里

三柱山在日照縣北二十里其相連屬者又有

河山白石山

絲山山形陡絕懸溜浸石如絲縷之狀絲水發

源於此在日照縣東北二十里

自會稽山至
此俱近濤洛

場

付疇河源出馱兒山在日照縣南五十里

大兒莊河源出絲山繞孤奎山會付疇河在日

照縣南二十里

已上二河
近濤洛場

零泉在諸城縣常山上蘇軾知密州禱雨於此

有應因名之

近信
陽場

淄水在府城西五十里按水經源出萊蕪縣原

山之陰世謂之源泉流經臨淄益都壽光界

入濟水禹貢濰淄其道田單見老人涉淄處

皆此 近官臺場

澠水源出臨淄縣西申門之申池左傳謂有酒如澠魯仲連謂田單黃金橫帶而跨乎淄澠之間淮南子謂易牙嘗淄澠而別之者皆此北流入時水

系水在臨淄縣與澠水同發源於申池北流曰澠西流曰系傍城北流逕陽門西水次有故封處即齊之稷下也

康浪水源出臨淄縣西十里北流與系水合甯

戚歌康浪之水白石粲即此 己上三水俱益鹽運

二嶽龍泉水在壽光縣西南二十里一名東嶽龍泉水東北入清水泊俗名北夾河一名西

嶽龍泉水北流至羅橋合東嶽龍泉俗名南夾河俱入海

王欽水源出壽光縣西南二十里張樓社高家溝莊流經縣西三十里下流入清水泊俗呼為

板橋河水

清水泊在壽光縣西北五十里合淄女北陽三

濟水入於海卽漢志所謂鉅定也

鹽城在壽光縣北八十里

斟灌城卽夏仲康子相所依在壽光縣東北四

十里今壽光東南有灌亭北海平壽縣東南

有斟亭已上俱近官臺場

桓公臺齊桓公盟諸侯於此故名在樂安縣東

北二十五里近王家岡場

附考青州所屬樂安壽光諸城日照四縣

皆濱海有鹽場註詳後

登州府境內

祝聖山又名芝山南有昇仙峯芝陽洞俗傳馬

丹陽昇仙之地在福山縣東南二里

福山在福山縣北五里本在登州兩水鎮宋劉

豫以此地有福取以名縣

側立山山之主峯西向側立特出羣峯之外故

名在福山縣西北三十五里

哈嶺山山勢嵯峨草木暢茂上有哈嶺寺及聖

水泉在福山縣南三十里連棲霞縣界

之朶山周圍五十里三面瀕海史記秦始皇登

之朶刻石紀功漢書郊祀志齊有八神一曰

陽主祠之朶漢武登之朶聞稱萬歲皆此在

福山縣東北三十五里連文登縣界

磁山東南有洞深三丈許下有二泉澄徹可鑒

在福山縣南三十五里自祝聖山至此俱繞登寧場

五龍山山下有五水合流入海俗稱五龍在萊

陽縣南二十里

火山山多赤石如火故名在萊陽縣北三十三

里

倉山舊產鐵在萊陽縣東五十里

林寺山山多林木上有古寺元時嘗置買金場

在萊陽縣東八十里

福阜山宋元時嘗置買金場在萊陽縣東七十

里

七子山有八峯大峯居中七峯旁列若其子然

在萊陽縣東南九十里

望石山山峯聳拔四望孤高在萊陽縣東二十

里

旌旗山形勢羅列狀若旌旗在萊陽縣北三十里

亭子山舊傳有仙人結亭於上因名在萊陽縣西北二里

三駕山在萊陽縣東南八十里

天井山山巔有泉如井在萊陽縣西南一百餘

里自五龍山至此俱繞行村場今裁併膠州石河場

海登州三面距海去城三里許惟西南地接萊

州府海中浮島不可殫述每春夏之交海氣幻怪為城郭人物舟楫旌旗颺回倏變眩人耳目謂之海市宋蘇軾知登州五日當去值

歲晚以不見海而為恨禱於海神明日乃見

其在濟南則濱州及利津霑化海豐三縣之

地皆瀕海大清河會汶泗諸流注之在青州

則樂安壽光諸城日照四縣皆瀕海然青齊

諸水會清河東北流者多由樂安注海海去

樂安一百一十里萊州之海在城北九十里

西北環昌邑濰縣界東南環膠州卽墨界
海洋山後海口在福山縣東北三十里

八角海口俗傳遼東孫氏兄弟八人乘船避難
於此分爲八家後人訛曰八角在福山縣西
北四十里

城後海口在福山縣北十五里登寧場於此煮

鹽

之呆海口在福山縣北四十里

已上四海口
俱近登寧場

原疇河源出棲霞縣蠶山北流經招遠縣東北

合東良平南二河入海

大沽河源出黃縣蹲犬山南經招遠萊陽二縣

又東南入平度州與小沽河合並由膠州入

海左傳所謂沽尤是也註云沽卽大沽河尤

卽小沽河水出文登昌山東

東良界河源發萊陽縣芝山之麓北流經招遠

縣界入海

平南河源發萊陽縣至下山北流九十里合東

良河入海

縣河在萊陽縣東三里源發棲霞縣方山南流
入海

陶張河在萊陽縣東十五里源出棲霞縣唐山
西南入海

水口河即昌水源出文登昌山東南流經萊陽
縣東入海

五龍河在萊陽縣南二十五里五龍山前五河
會流百里南入於海曰五龍河高密縣西二
十五里亦有河名五龍自源疇河至此
俱近行村場

奇泉在福山縣三里石孔湧出冬溫夏冷

聖水泉在福山縣有二一在側立山東北一在

哈壚山頂水皆瑩潔歲旱禱雨輒應二泉近
登寧場

鹹泉池在府城東北海濱其水可煮鹽

東牟城在文登縣西北十里漢舊縣有鐵官鹽

官又為侯國

萊州府境內

大基山在府城東十里上有道士谷巘嶠蒼翠

泉流潺湲松竹花卉為一郡最世傳後魏鄭

文公修正於此金劉國樞有記碑刻尙存

西北

瞰海
滄場

雲山川谷多雲氣中有竹樹成林蒼翠可愛在

平度州東北二十五里

大豁山其旁有小豁山並峙中通驛路上有龍

女祠在平度州北十五里虞鄉城東南

之萊山東連大澤衙駕明堂諸山秦漢祠八神

此祭月之處申公云峒山首山太室泰山東

萊山黃帝之所常遊山有秦篆懸崖斷壁人

莫能辨在平度州北五十里

天柱山絕頂巉巖聳立如柱有魏光州刺史鄭

道昭北齊光州刺史鄭述祖銘在平度州北

五十里

渣呀山山形渣呀與天柱大澤脉相連在平度

州北三十里

大澤山四面峯巒聳秀中有智藏寺泉石清奇

雜木陰翳絕頂有石城門梁故址昔人避兵

之處或云赤眉巖在平度州北三十里

明堂山產烏頭天雄在平度州東北四十里又
二十里有青山

三固山又名三戶山漢宣帝祠三戶於下密卽
此在平度州西七十里

文武山兩山相峙世傳秦始皇東巡駐蹕集文
武於此山因名下有秦王河在平度州西十

八里

金泉山產桔梗防風輿地志金泉山明堂山爲
膠水卽此在平度州東南四十里

兩髻山山椒排峙如縮雙髻中有雲臺觀竹高
一二尺叢伏如豹在平度州東北十三里

墨山山石如墨墨水發源於此在平度州東北

六十里

六曲山上有膠東康王陵址在平度州東五十
里

公沙山出公沙石山有坡名荆舊有梅花邑人
狀其景曰荆坡雪梅在平度州北八十里

山至此俱繞海
滄西由二場

大珠山其上有石室俗傳晉陳仲舉隱此在膠州城南一百二十里

蜈蚣山產礪石在膠州南三十里

鐵楸山膠水發源於此一名膠山在膠州城西南一百二十里

艾山東西兩石對峙名曰山耳在膠州南三十

五里

自大珠山至此俱近石河場

勞山本名牢在卽墨縣東南六十里有二一曰大勞山一曰小勞山二山相連俱在海中稍

北有巨峯山高四十里周圍八十里齊記曰泰山自言高不如東海勞又名牢盛山寔宇記秦始皇登牢盛山以望蓬萊

三山島爲海之南岸史記封禪書云八祠陰主祠三山卽此祠址尙存在府城北五十里

蜉蝣島海中望之若蜉蝣然故名一名芙蓉島

在府城西北一百里

已上二島俱近海滄場

唐家灣海口在膠州南門外宋元時海船往來

皆由此

近石河場

萬歲河兩岸皆長三百里漢武帝時大旱禱萬里沙祠即此在府城南半里

上官河自蘇郭社發源至上官社入海在府城

北二十里已上二河俱近海滄場

現河源出兩髻山西南入膠水在平度州東三

里

雲河源出雲山至金泉山伏流地中在平度州

東五十里

蘇村河源出大豁山西北合沙河北流入海在

平度州北三十里自現河至此俱近西山場

白浪河在濰縣源出擂鼓山泉若車輪西南流

經縣城東門外二十步北流八十里入海唐

北海令竇瑒嘗引此水溉田近固堤場

洋河在膠州南源發鐵櫛山流入於海近石河場

漱玉泉水自石罅出噴湧如珠色瑩味甘極旱

不涸居民資以灌溉有古碑剝落尙存漱玉

泉三字在平度州西十八里

鹹水泉平地流出旱禱多應故又名龍神泉在

山東通志 卷之三十一
濰縣東三十里

濰水自青州諸城縣界流入高密縣境經昌邑

濰縣東北入海漢韓信伐齊囊沙壅濰水以

破楚將龍且卽此俗名淮河字誤也

蓮花池夏月多蓮花邑人官賢築書院於上名

曰大泉在平度州東十五里

附考萊州所屬昌邑濰縣膠州卽墨皆環

海註詳登州

河防

附註河卽鹽河防卽閘口善蓄洩以利舟運今韓家店閘已廢丁家口以

下五閘並詳疆域志

韓家店閘在歷城東北十二里明成化間開濬

小清河創建

丁家口閘在歷城縣以下五閘明萬曆間修築

劉家口閘在齊河縣

張村閘在長清縣

沙河門頭閘在長清縣

吳家渡閘在平陰縣

橋梁

附註十月成梁蓋時方沍寒民咸病涉徒者蹇裳輿者濡軌濟以橋梁固

不特販夫商車之利已也

鵲筭橋在古明湖上

廣會橋在趵突泉上

鳳江橋在章邱縣西北小清河上

繡江橋在章邱縣清河上

朝陽橋在章邱縣漯河上

從化橋在章邱縣北回村清河上

通津橋在齊河縣東跨大清河

小東店石橋在齊河縣明萬曆間建

大義橋在蒲臺縣明萬曆間鹽商建

祠廟

附註各場皆隸州縣社稷等壇實庇靈爽學設商籍亦統文廟此外祠廟則以輪辦鹽課之四十八州縣為據而祀典之修廢附焉

社稷壇

風雲雷雨山川壇

已上二壇春祈秋報

城隍廟

文廟

正殿祀孔子四配十哲兩廡以先賢先儒從祀別立啟聖名宦鄉賢等祠春秋致祭

東嶽廟

在濟南府泰安州有司春秋致祭

東鎮廟

在青州府沂山明載祀典時遣官致祭

東海廟

在萊州府城北海岸明載祀典春秋致祭海防道主之有大事則遣官祭告

日主祠

在登州府成山之陽元大德間建明正德間燬於火故址尚存

月主祠

在登州府萊山之麓旱禱有應

陽主祠

在登州府之朶山祀以三月三日

陰主祠

在登州府磁山下祀以七月七日

堯祠

在青州府西北堯山有唐朱誕碑按兗州府及濮州各有堯祠堯有宋李昉碑濮亦

碑有

舜祠

在濟南府治西南東有舜井按泗水及曹州濮州各有舜祠在濮州者碑碣尚存

后稷祠

在青州府臨淄縣稷山

昭賢祠

在青州府昌樂縣孤山祀伯夷叔齊傳曰伯夷避紂居北海之濱即此

武成王廟

在青州府城北祀太公望以管仲晏子配享春秋上巳日祭臨淄亦有之

閔子騫祠

在濟南府城東五里閔子墓前又一在鐘樓寺街

卜魏公祠

在青州府莒州西南文學書院祀子夏

子游祠

在兗州府費縣西南

澹臺祠

在費縣西南

伏生祠

在濟南府鄒平縣東北祀秦博士伏勝元張起巖有記

董公祠

在萊州府膠州治左祀漢董仲舒今圯

鄭公祠

在青州府安邱縣東祀漢司農鄭康成以其封高密伯故萊州高密縣亦立祠

四知廟

在萊州府昌邑縣治東
北祀漢東萊太守楊震

孔融廟

在萊州府濰縣

兩疏祠

在兗州府沂州西
北祀疏廣疏受

武侯祠

在沂州城北
祀諸葛孔明

睢陵公祠

在沂州城北祀晉太保王祥以其嘗
過濟南府蒲臺縣故蒲臺亦有廟

王右軍廟

在沂州普照寺
內即羲之祖居

顏魯公祠

在兗州府費縣治東又濟南
府陵縣及平原縣亦各有祠

范文正公祠

在濟南府鄒平縣西南有元魯昌
祖碑明正德間副使王哲修置祭

田又長山縣南亦有祠公知青州
時過長自有詩後人刻石祠中

富公祠

在青州府西門外石于
澗上祀宋富文忠公

蘇公祠

在青州府諸城縣超然臺舊係宋蘇
軾建今圯縣令羅廷璋增修塑像以祀

十三賢祠

在青州府治西松林書院前祀宋青
州守寇忠愍公準曹武穆公瑋王文

忠公會麗莊敏公藉程文簡公琳范文正公
仲淹李文正公迪富文忠公弼歐陽文忠公

修吳文肅公奎趙清獻公抃張文
定公方平劉忠肅公摯以時致祭

許忠節公祠

在濟南府城內公名達明正德間
宸濠反於江西公以按察副使不

屈死之世宗立贈爵諡忠節公嘗為樂陵令
以功陞僉事兵備武定皆有善政故列公名

宦立祠武定樂
陵亦各有祠

薛王二公祠

在濟南府城內水面亭前
祀提學薛瑄主考王守仁

七忠祠

在濟南府西門內祀明建文時山東死事者兵部尚書鐵公鉉禮部尚書太子少保陳公迪刑部侍郎胡公子昭都督府斷事高君巍監察御史丁君志坊東平州吏目鄭君勞濟陽縣教諭王君省

陵墓

附註山左陵墓不盡在輸課諸州縣然古聖名賢千秋瞻仰其遺魄所藏

女媧氏陵

在兗州府濟寧州東南

伏羲氏陵

在兗州府魚臺縣東北鳧山按九域志兗單皆有伏羲陵路史又云葬山

軒轅壽陵

在兗州府曲阜縣東北相傳黃帝葬此本名壽邱金時改為壽陵避孔子

少昊氏陵

在軒轅陵東北三十步許前有石壇像又有八卦石有司春秋致祭三年

一遣使祭享

帝堯陵

在兗州府東平州東北明洪武間建祠陵前有司春秋致祭三年一遣使祭享

湯陵

在兗州府曹縣南陵前有廟皇覽云湯塚在濟陰亮縣北東郭

太甲陵

在濟南府城南五七里中宮皇覽云太甲有塚在歷山上

赫胥氏墓

在濟南府城章邱縣古朝陽城內伏羲氏臣

倉頡墓

在兗州府東阿縣西北有祠又一在青州府壽光縣按路史禪通紀史皇氏倉

帝居陽武葬利鄉疑在壽光者為是

太公墓

在青州府臨淄縣南齊記補遺曰太公葬於周齊人思其德葬衣冠於此

桓公墓

在臨淄縣

管仲墓

在臨淄縣南牛山之阿

晏嬰墓

在高密縣南

啟聖公墓

在兗州府曲阜舊縣東防山

至聖先師墓

在曲阜縣北二里孔林其東伯魚墓南連子思墓塋中無荆棘無鳥

巢詳山東通志

顏子墓

在曲阜縣防山東南其西北為侍郎林顏氏自晉唐來為侍郎者十三人皆葬

此故云

會子墓

在兗之嘉祥縣南武山西墓前有廟

閔子墓

在濟南府城東

公冶長墓

在青州府諸城縣西

高柴墓

在兗之沂州西南

原思墓

在兗之費縣西北

孟子墓

在兗之鄒縣四基山之西麓墓前有祠

伏生墓

在濟南府鄒平縣東北十八里

夏侯勝墓

在濟南府城東古平陵城

王吉墓

在萊州府即墨縣東臯虞社子京兆駿孫司空崇皆葬此

鄭康成墓

在萊之高密縣西北
唐貞觀中詔禁樵採

管寧墓

在青之安
邱縣西南

王祥墓

在兗之沂州北墓西有
孝感泉剖冰躍鯉之處

疏廣墓

在沂州
西南

王會墓

在青州府城
東鄭母店

坊表

古井田有畎溝洫澮以達大川表者樹木以示
人坊者築土以為堤井田廢則坊表皆削平
無有獨存者烏頭綽楔見五代史以旌忠孝

節烈之人後世紀科名官階沿為牌坊字取
坊廂之義明此物不在草野矣各載府州縣
衛志不可勝記

山東鹽法志第十三卷目錄

人物

科目

賚封

恩命

孝悌

忠節

貞烈

德行

勲業

文學

山東鹽法志第十三卷

人物

序曰論秀書升儲公輔之選將不稱為人物歟
 賢人君子或間世而生豈概謂之人物耶且其
 際會亦難矣教化浹洽然後英才蔚起奇行卓
 犖此中殆由天授詎可誣哉必斥貨利之場無
 彥良魚鹽何以舉膠鬲巾幗之下無丈夫齊女
 何以有無鹽是以志人物

科目

附註志有
 人物
 猶史家之有列傳
 典制之書體統為重
 首科目所以尊名

爵也貢科以下繁不勝載其有高節懿行表表可傳者各以本事分屬諸部

明異才科

鄭聚 竈籍濤洛場人 洪武間由異才科選授蕪湖巡

檢歷官僉都御史

明薦舉科

盧守政 竈籍富國場人 洪武間由薦舉科官鴻臚

劉從道 竈籍豐民場人 洪武間由薦舉科官知縣

明進士甲科

鮑瓚 竈籍官臺場人 由弘治癸丑甲科官知府

李居 竈籍豐國場人 由正德戊辰甲科官郎中

翟瓚 竈籍固堤場人 由正德甲戌甲科官都御史

張玩 竈籍永阜場人 由正德甲戌甲科官太僕寺少

卿

陳明 竈籍利國場人 由嘉靖癸未甲科官僉事

陳可大 竈籍利國場人 登嘉靖乙丑甲科

李培 竈籍豐國場人 登萬曆己丑甲科

高鏘 竈籍石河場人 由萬曆辛丑甲科官副使

高弘圖 竈籍石河場人 由萬曆庚戌甲科官太子太傅

吏部尚書文淵閣大學士明季南渡殉節別

入忠節部有專祠

孫止孝 商籍歷城縣人 由萬曆壬戌甲科官叅議

安重 商籍信陽場人 由萬曆丁未甲科官知縣

高允茲 商籍石河場人 由崇正甲戌甲科官御史

高簡 商籍石河場人 由崇正癸未甲科官知府

本朝進士甲科

李之芳 商籍武定州人 由順治丁亥甲科歷官文華殿

大學士諡文襄崇祀名宦鄉賢別入勲業部

安煥 商籍信陽場人 由順治己丑甲科官叅議

楊維喬 商籍登寧場人 由順治己亥甲科官巡鹽御史

高种之 商籍石河場人 由順治己亥甲科官知縣

高景之 商籍石河場人 由順治辛丑甲科官知縣

朱綵 商籍歷城縣人 由康熙癸丑甲科官知府

高日聰 商籍石河場人 由康熙癸丑甲科官提學僉事廉明稱最崇祀鄉賢名宦

楊方裔 商籍壽光縣人 由康熙甲戌甲科官知縣

趙執信 商籍益都縣人 由康熙己未甲科官翰林

高攀嵩 商籍石河場人 由康熙丙戌甲科官知縣

張夢白

運學

登康熙癸巳甲科

高山

運學

由雍正癸卯甲科官翰林

武甲科附後

徐維藩

龍籍信陽場人

順治壬辰甲科官遊擊

楊大立

商籍歷城縣學

康熙庚子解元辛丑甲科榜眼

高及第現任叅將

楊大凱

商籍現居歷城

由雍正癸卯甲科官侍衛

劉永懋

商籍現居歷城

由雍正癸卯甲科在籍候選

明舉人鄉科

艾福

龍籍利國場人

中洪武己卯鄉科經魁

王昌齡

龍籍固堤場人

中成化丙午鄉科

張鑾

龍籍利國場人

由弘治戊午鄉科官知縣

畢鐸

龍籍豐國場人

由弘治戊午鄉科官教諭

高迪

龍籍石河場人

由弘治壬子鄉科官太僕寺丞

高光烈

龍籍石河場人

中正德庚午鄉科

李用中

龍籍寧海場人

由正德癸酉鄉科官府同知

張瓚

龍籍寧海場人

由正德丙子鄉科官教諭

馬進圖

龍籍濤洛場人

由嘉靖壬午鄉科官知州

人物

王世明 竈籍豐民場人 中嘉靖辛卯鄉科

張璜 竈籍永利場人 中嘉靖辛卯鄉科

蔡時雍 竈籍富國場人 中嘉靖丁酉鄉科

高應鸞 竈籍石河場人 由嘉靖壬子鄉科官知縣

劉元化 竈籍信陽場人 中萬曆己酉鄉科官知縣

李淑身 竈籍高家港場人 中萬曆丙子鄉科

張情 竈籍利國場人 中萬曆壬午鄉科

高弘教 竈籍石河場人 中天啟甲子鄉科

孫建宗 商籍歷城縣人 中崇正丙子鄉科

本朝舉人鄉科

高華 竈籍石河場人 中崇正壬午鄉科

葛芑 竈籍濤洛場人 由順治乙酉鄉科官知縣

朱弘祚 商籍歷城縣人 由順治戊子鄉科官總督

王士亨 運學 中順治戊子鄉科

范彝 運學 中順治辛卯鄉科

高昱之 竈籍石河場人 由順治甲午鄉科官教諭

高于媚 竈籍石河場人 由康熙丙午鄉科官教諭

安爨 竈籍信陽場人 由康熙壬子鄉科官知縣

高日恭

竈籍石河場人

由康熙乙卯鄉科官教諭

徐彭

竈籍信陽場人

由康熙丁巳鄉科官訓導

楊倬

竈籍登寧場人

由康熙戊午鄉科官教諭

張濯清

學運

中康熙甲子鄉科

高班

竈籍石河場人

由康熙癸酉鄉科現任教諭

李昌基

學運

中康熙丙子鄉科

楊仔

竈籍登寧場人

中康熙丙子鄉科

李濂

學運

中康熙己卯鄉科

楊萼裔

竈籍壽光縣人

由康熙己卯鄉科官學正

張伸生

竈籍永阜場人

中康熙壬午鄉科

戴文源

商籍濟南府學

中康熙乙酉鄉科

高辛祐

竈籍石河場人

中康熙戊子鄉科候選知縣

高大烈

竈籍石河場人

由康熙辛卯鄉科考中知縣

高琚

竈籍石河場人

由康熙癸巳鄉科現充直隸放

賑官授任縣知縣

聶祥

學運

中康熙辛卯鄉科

邵俞芳

學運

中康熙癸巳鄉科

高珣

竈籍石河場人

中康熙丁酉鄉科候選教諭

趙天章

商籍歷城縣人

中康熙丁酉鄉科

尹純儒

竈籍濰州人

中康熙丁酉鄉科

楊慧生

竈籍壽光縣人

中康熙庚子鄉科

薄永固

運學

中康熙庚子鄉科

孫崑

運學

中康熙庚子鄉科

孫緒祖

商籍歷城縣人

中康熙庚子鄉科

高錚符

竈籍石河場人

中雍正癸卯鄉科候選教諭

楊宜之

竈籍登寧場人

中雍正癸卯鄉科

楊壯

竈籍登寧場人

中雍正癸卯鄉科

李行修

運學

中雍正癸卯鄉科

張思恭

運學

中雍正癸卯鄉科

朱纘

商籍歷城縣人

中雍正甲辰鄉科

楊方江

竈籍登寧場人

中雍正甲辰鄉科

李行仁

商籍歷城縣人

中雍正甲辰鄉科

李本樞

商籍武定州人

中雍正甲辰鄉科

徐田美

竈籍信陽場人

科分缺

武鄉科附後

楊天奇

商籍現居歷城

中順治辛卯鄉科

李 潞 商籍現居歷城 中康熙癸卯鄉科

張輔垣 商籍歷城縣人 中康熙丙午鄉科

高國傑 竈籍石河場人 中康熙乙卯鄉科

楊 佶 竈籍登寧場人 中康熙辛酉鄉科

高 杰 竈籍石河場人 中康熙癸酉鄉科

范 翬 商籍現居滋陽 中康熙癸酉鄉科

張憲萬 竈籍王家岡場人 中康熙癸酉鄉科

魏允武 竈籍王家岡場人 中康熙癸酉鄉科

楊方洛 竈籍登寧場人 中康熙乙酉鄉科

徐同文 竈籍信陽場人 中康熙辛卯鄉科

李 偉 商籍歷城縣學 中康熙庚子鄉科

李 玩 商籍現居沂州充商 中雍正癸卯鄉科

明貢士科

張 偉 竈籍寧海場人 官知縣

單 元 竈籍富國場人

楊 英 竈籍富國場人

張 佐 竈籍寧海場人 官知縣

潘 濂 舊志官訓導

王輔竈籍豐民場人官學正

許振舊志籍缺官訓導

張慶竈籍利國場人官訓導

張椿舊志籍缺官訓導

單麒竈籍富國場人

王鼎竈籍寧海場人官教諭

楊宗澤竈籍富國場人

楊宗源竈籍富國場人

馬杞竈籍官臺場人

孔綸竈籍富國場人

張璨竈籍永阜場人

單達竈籍富國場人

單學詩竈籍富國場人

杜孟芳竈籍利國場人官縣丞

羅璞竈籍豐民場人

張俊竈籍永利場人

王廷偉竈籍固堤場人官教授

張楷竈籍王家岡場人

楊 拱

竈籍富國場人

盧鳴鳳

竈籍富國場人

趙 學

竈籍王家岡場人

高 冠

竈籍石河場人

官知州

高建節

竈籍石河場人

官教授

高建中

竈籍石河場人

官主簿

高汝霖

竈籍石河場人

高應鵬

竈籍石河場人

官縣丞

高 滄

竈籍石河場人

官教授

高汝礪

竈籍石河場人

官教授鄉飲大賓

高述善

竈籍石河場人

高 銓

竈籍石河場人

官主簿

高衍慶

竈籍石河場人

官知縣

高 澧

竈籍石河場人

官知縣

高 鏞

竈籍石河場人

官知縣以殉難贈按察司僉事

崇祀名宦鄉賢別入忠節部

高念茲

竈籍石河場人

官知縣

劉 謙

竈籍濤洛場人

宋三才

竈籍濤
洛場人

官知縣

劉讓

竈籍濤
洛場人

官教諭

劉湛

竈籍濤
洛場人

官訓導別入德行部

劉世衍

竈籍濤
洛場人

官刑廳別入文學部

本朝貢士科

李完全

竈籍永
阜場人

官教授

蔣雷鳴

運學

戴文沆

商籍復
州衛學

官教諭

戴文誥

商籍濟
南府學

教習知縣

劉湘

運學

馮汝楫

商籍歷
城縣學

官訓導

高瑾

商籍濟
南府學

王義圖

竈籍永
阜場人

官知府

李挺

竈籍永
阜場人

官訓導

安塗之

竈籍信
陽場人

官訓導

安惟坦

竈籍信
陽場人

候選訓導

安無尤

竈籍信
陽場人

安昨

竈籍信
陽場人

考選理問

安雲柱 竈籍信 陽場人 考選教諭

安雲驥 竈籍信 陽場人 官訓導

安治 竈籍信 陽場人 考選訓導

安承啟 竈籍信 陽場人 官通判

劉翼明 竈籍信 陽場人 官訓導

劉廻瀾 竈籍信 陽場人 官教諭

安佑 竈籍信 陽場人

安世求 竈籍信 陽場人

安作求 竈籍信 陽場人 現任訓導

安承寵 竈籍信 陽場人

安定求 竈籍信 陽場人 官光祿寺署正

徐允文 竈籍信 陽場人

徐循之 竈籍信 陽場人

高珣 竈籍信 陽場人 王家

孫琳 竈籍信 陽場人 王家 官教諭

劉世欽 竈籍信 陽場人 官訓導

鄭毅釗 竈籍信 陽場人 官知州

尹茂 竈籍信 陽場人 官訓導舉鄉飲

鄭繼釗 電籍濤 洛場人

鄭憲釗 電籍濤 洛場人

劉任 電籍濤 洛場人

劉元功 電籍濤 洛場人

宋焜 電籍濤 洛場人

王曰來 電籍濤 洛場人

高弘達 電籍石 河場人

高瀚 電籍石 河場人

高朗之 電籍石 河場人

官知縣鄉飲大賓

官通判

官縣丞

官訓導

候選訓導

官訓導

官縣丞

官知縣鄉飲大賓

官通判

官縣丞

官訓導

候選訓導

官訓導

官縣丞

官知縣鄉飲大賓

官通判

官縣丞

官訓導

候選訓導

官訓導

官縣丞

張維垣 商籍歷城縣人 官湖廣長沙府知府調衡州府

知府

張佐垣 商籍歷城縣人 官教諭

李之珂 商籍歷城縣人 官教諭

馮博 商籍歷城縣人 官知縣

李際芳 運學 候選訓導

馮起興 商籍歷城縣學

楊楫 商籍歷城縣學

楊懋 商籍歷城縣學

楊綸 商籍濟南府學

楊楚 商籍濟南府學

丁元普 商籍歷城縣人 候選訓導

井志鴻 商籍歷城縣學 官訓導

楊大勳 運學 官知縣

燕光德 商籍濟南府學 官教諭

衛士玠 運學

姬大業 商籍歷城縣人 官知縣

劉輔長 運學 候選員外

馮銑 商籍歷城縣人 官教諭

蘇永吉 學運

尹維紀 商籍高唐州學

李佃 學運

燕瑞 學運

楊大鏞 商籍現居歷城

朱緯 商籍歷城縣人 官教諭

張同載 商籍歷城縣人

鮑封 附註孝思錫類國有鉅典崇榮光以廣孝思鮑封所由志也

明

高建策 竈籍石河場人 以曾孫弘圖貴累贈太子太傅

吏部尚書文淵閣大學士

高擢 竈籍石河場人 以孫弘圖貴累贈太子太傅吏

部尚書文淵閣大學士

高夢說 竈籍石河場人 以子弘圖貴累贈太子太傅吏

部尚書文淵閣大學士別入德行部

高應辰 竈籍石河場人 以子鏘貴累贈中憲大夫河南

歸德府知府

高翹竈籍石河場人以子允茲貴 誥封監察御史

本朝高翹竈籍石河場人以子允茲貴

李時鮮商籍武定州人以曾孫之芳貴累贈吏部尚書

高文華商籍武定州人殿大學士

李登雲商籍武定州人以孫之芳貴累贈吏部尚書文

華殿大學士

李才望商籍武定州人以子之芳貴累贈吏部尚書文

華殿大學士

高九錫竈籍石河場人以子文熠貴累贈驃騎將軍江

西南瑞鎮總兵官

高志清竈籍石河場人以子曰聰貴累贈奉政大夫福

建督學道別入德行部

楊世興商籍現居歷城以長子天奇貴

誥贈明威將軍次子天正貴

誥贈文林郎

張三觀商籍歷城縣人以孫維垣貴

誥封中憲大夫

張明哲商籍歷城縣人以子維垣貴

誥封中憲大夫

高憲堡

竈籍石河場人

以子攀嵩貴

誥贈文林郎攸縣知縣

衛天坤

商籍歷城縣人

以子良魁貴

誥贈儒林郎

燕學成

商籍歷城縣人

以子培基貴

誥封儒林郎

任邦輔

商籍現居濟寧

以子澤民貴

誥贈儒林郎

恩命

附註不必例封別蒙褒獎匹夫匹婦榮及沒世則恩命重焉

明

高三重

竈籍石河場人

以布衣舉孝行有勅建旌表石

坊在膠州之水寨里事載山東通志別入孝

悌部

楊氏

竈籍登寧場人

鄧氏婦奉勅建坊旌表節孝事

載府州志別入貞烈部

高氏

竈籍石河場人

適管二元夫死慟哭不食僵伏

柩前哀毀七日而死事聞旌表載州志

本朝

紀氏竈籍石河場人儒童高岿妻夫死投繯州牧上

其事得

俞旨賜旌表坊銀別入貞烈部

孝悌

附註無問名爵治行爲先孝悌庸德而冠百行將以表率人倫齊整風俗舍此其孰克當首稱者乎

明

李

溫竈籍寧國場人

母老病痺與妻吳氏嘗湯藥時

飲食親扶掖躬濯澣視聽以神三年不懈有

司表其閭事載旌善亭碑

高三重

竈籍石河場人

少失母家貧鬻鹽以爲生事繼母以順謹聞父性嗜奕而善恚無奕資輒不

悅三重則日進數十錢供之奕奕而負錢注

游低又不悅三重則時入奕局窺父出旋潛

益錢使不覺或所負逾多則舉家不食以抵

其費故其父嘗終歲奕而不負則大笑樂以

自豪不知爲孝子苦心也後父歿哀毀盡禮

遣嫁異母諸妹皆良配廬墓三年蔬食衰衣

冬不御絮里人賢之舉孝行州牧上其事得

旌表建石坊焉

高嗣呂

竈籍石河場人

旌表孝友載州志

高弘載

竈籍石河場人

親死廬墓事載州志孝子傳

高弘繡

竈籍石河場人

父衍慶為西河令明季秦中亂

流離兵間繡間關萬里號泣尋歸州牧表其

閭曰一門忠孝事載州志

本朝

劉之閔

竈籍信陽場人

天性純孝廬墓盡哀縣令旌其

閭曰孝行可風

蘇永德

商籍歷城縣人

父母葬後廬墓三年朝夕哭拜

如新喪運使漆紹文表其廬曰南陔永慕

龔章

商籍長清縣學

父少出遊章方襁褓及長立志

尋親入東粵獨行七千餘里歷盡艱辛迎請

歸里時人難之

忠節

附註移孝作忠窮而見節國之四維所恃以立磨頑礪鈍世道之大防也

明

高鏞

竈籍石河場人

萬曆辛丑進士河南副使高鏞

高子崇正中由貢生官贛榆縣知縣明季遭亂
城破殉節事聞贈山東按察司僉事崇祀名
宦鄉賢子國楹孫熾同殉難

高弘圖 竈籍石河場人 萬曆庚戌進士故明南渡後拜

太子太傅吏部尚書文淵閣大學士立朝無
黨國亡殉節詳載本傳一送明史館一入本

志藝文部

高衍慶 竈籍石河場人 明季以貢生為西河令修城郭

復社倉理冤獄甦驛傳有神君慈母之稱流

寇至孤城獨守竭力保全諸當事方交章薦
用而秦中全局覆矣側身兵間潔清自靖晚
歸鄉里閉戶講學卒入鄉賢至今俎豆焉事

載州志

貞烈 附註百年茹藥精貫金石一夕成仁
光爭日月表貞烈以維風化天下庶

知有廉耻歟

明

王氏竈籍富國場民楊蕙妻年二十五夫死家
貧誓不再嫁紡績自給至老不渝鄉人賢之

高氏竈籍石河場故副使道高麟女生員張梅
王徵妻壬午避兵殉節西山

高氏竈籍石河場民高嗣臯女適邑庠生匡嘆
夫死觸首流血乘間投繯而死事載州志

高氏竈籍石河場太學生高淳女貢生張懋煌
妻壬午避兵西山投崖盡節白虹燭天起崖
下家人因知死所子謙宜後成進士有傳載

藝文志

楊氏竈籍登寧場人鄧氏婦也節孝載府州志

建坊旌表

密氏商籍歷城人周官妻萬曆間建坊旌表遺
趾猶存事載歷城縣志

崔氏竈籍信陽場人徐爾康妻夫亡自縊而死
建坊旌表事載邑乘

本朝

高氏竈籍石河場民高粵重女儒童樂瑛妻順
治十年海鎮兵叛罵賊觸刃而死亂平收屍
竟月不壞雍正元年州牧馮景夏立碑表之

高氏竈籍石河場庠生高弘化女邑庠生張喬年妻夫病瀕死氏請先行以候冥路着絳衣拜天地別喬年與妾李氏同投繯死事載州志

高氏竈籍石河場人邑庠生宋之曾妻事翁姑以純孝聞夫早死教子可久成名進士壬午之變闔家避兵於海上游騎猝至焚舟肆掠氏仰天灑血慷慨自誓曰我命婦義不與賊相見遂投海死事載州志

紀氏竈籍石河場儒童高肯妻夫死投繯已得旌表別入恩命部邑人進士張謙宜爲作詩記事入藝文

高氏竈籍石河場人適高密縣儒童李仙品夫死一慟幾絕父母兄弟百計慰勸不可解卒投繯死事載州志

高氏竈籍石河場貢生高蒞女儒童王淇渡妻夫亡無子自縊柩前姊適周氏亦殉夫節張氏竈籍石河場生員高昆之妻夫亡無子感

憤自盡

周氏竈籍石河場生員高蔭楮妻萊陽進士周正之妹故大忠相國弘圖之曾孫婦也生於名門能詩守禮寡居苦節教二子皆爲諸生食貧不悔七十三而終所著有峽猿草一卷入藝文志

邱氏竈籍濤洛場民王小四妻年十九夫死自縊親黨哀之公舉聞縣縣令呂補袞旌其門曰捐生完節載縣志主入節烈祠

韓氏竈籍濤洛場民鄭慤妻年二十歲守節壽至七十餘清白無議臬司喻成龍採訪其事給匾旌之曰冰雪自持主入節烈祠六十

趙氏竈籍濤洛場民鄭綽之妻孝子趙瑚女年二十五歲夫死不哭易衣歛髮拜天地翁姑如歸寧狀入室自縊事聞臬司喻成龍給匾旌之曰得坤之正主入節烈祠

汪氏竈籍濤洛場生員鄭克持妻廩生汪建白女年二十七歲夫落第以恚死氏誓殉節姑

憐其少不許謹防之。平日學焉，送其夫落卷。至氏捧之，大慟。至夜，乘間自縊。死，喻臬使成龍旌之，曰：蘭閣正氣主，入節烈祠。鄭氏竈籍濤洛場鄉耆鄭葛長女，廩生安承寵原聘妻也。年十六，遭明季壬午之變，匿本鄉。賊尼菴中，已而被掠，女厲聲罵賊，觸刃死。倉卒遂葬菴側。後承寵感其義，有同穴志，遲六十年，寵死，子夢周遵父遺意，遷女遺骸合葬焉。韓墓開骨，隆色潔，香氣襲人。葬後尤多靈異。以

事涉荒怪，不錄。載府縣志，主入節烈祠。

鄭氏竈籍濤洛場鄉耆鄭葛次女，適左姓，未逾年夫死，而有遺孕，生子。儉氏苦節守之，壽七十餘。里人公舉聞縣，縣令給匾旌其門，主入節烈祠。

高氏竈籍濤洛場生員鄭祥妻。夫死，自縊，顏色如生。縣令呂補袞給匾旌之，置主入祠。載縣志。

許氏竈籍濤洛場民尹景弘妻。年十八夫死，無

志

苦後撫繼子以延嗣苦節終身爲鄉里重臬司
喻成龍給匾旌之曰苦節勁搯主入節烈祠
李氏竈籍濤洛場民尹壯妻卽節婦許氏之繼
子媳也年十九夫死欲殉痛姑孀苦遂相依
爲命色養數十年無少間縣令羅士栢以兩
世苦節匾旌之主并入祠
厲氏竈籍濤洛場儒童鄭志寧妻鄉民厲克慎
女也年二十三夫病歿矢志殉節談笑自若
從容焚香拜天地翁姑別戚黨入室投縵引

領氣絕神氣勃勃如生隣里聚觀如潮如堵
讚嘆哀惋聲震天地縣令成永健給匾旌之
曰從容殉義并爲作傳以記其事親置主入
節烈祠

王氏竈籍濤洛場童生鄭維忠妻年十八夫歿
視含歛畢拜姑舅曰夫死不幸無可守幸賴
諸弟足供奉養兒且從亡人去矣遂自縊於
樞側縣令成永健聞之親率同官往拜焉拜
畢除縵面色如生親爲設祭置主入節烈祠

尹氏竈籍濤洛場生員宋啟運妻年十九夫死之日痛哭欲殉忽念腹有遺孕已五月矣乃收淚自詫曰若卽死不且斬宋氏後乎自是罷涕泣轉善自調攝以待免身後果生子名衡遂矢志撫孤教之成立讀書入泮以繼書香壽七十餘而卒有司旌之主入節烈祠載

縣志

孫氏竈籍濤洛場民鄭俊釗妻生員孫對揚女也年二十二而寡有子琛甫二歲勤苦矢志

養姑撫子四十年如一日縣令成永健旌之主入節烈祠

趙氏商籍歷城太學生張九如之母早年喪夫遺孤不壽兩世孤寡相依爲命側室蔣氏亦以節終

侯氏商籍歷城太學生張九如妻夫死子幼有叔弱小不克辦家事含藥茹荼十餘年子稍成立乃卜期葬夫並營已壙葬之前一夕設祭拜哭撫棺一慟而絕時人感其事者多投

詩輓之別選入藝文部

李氏竈籍石河場高都統側室都統歿諸妾無子者多遣散李獨不去絕粒數日闔戶痛哭死之年三十二

孫氏商籍貢生歷城馮汝楫保母亦隸商籍其夫明末歿於亂軍日夜號泣尋其遺骸不可得誓不他適苦節至終又撫馮氏之孤恩勤鞠瘁至於成名鄉人稱義歲庚午郟陽衛方伯採風以貞信常存表其墓

申氏歷城人少適商籍李養泰夫客死江南聞訃哀號欲自盡以姑老子幼勉稱未亡三子皆成立有司旌其門曰聲高紫燕

邢氏臨邑邢侍御侗曾孫女工書能文少適商籍太學生馮昌夫死教子汝楫舉明經衛方伯採風表其節曰畫荻遺徽

蘇氏竈籍信陽場貢生安佑妻御史蘇京之女夫亡殮畢從容自縊闔邑公額題請奉

命旌其間曰名昭千古

命 樊氏商籍歷城人張國珍母邑令王道隆旌其
節曰節孝維風

文氏商籍現居歷城太學生李際芬母夫死子
方五歲撫育成立艱辛備嘗里人賢之

申氏商籍現居歷城人范有德母原籍山西洪
洞夫死不能歸里教子經營家道再振人稱

賢能

劉氏運學生李際蕤母夫歿以詩書訓子得見
成立

劉氏運學生王士鴻兒婦夫死無子矢志自堅
撫伯氏子如己子

張氏竈籍濤洛場貢生劉任繼室年二十四夫
死守節撫孤至六十七歲而終人無間言縣
令成永健旌表入祠

蔣氏商籍現居歷城太學生楊德言祖母邑令
旌其門曰節義可風

楊氏商籍現居歷城候選州同張君恩母盛年
苦節撫育三子俱能成立壽至百歲卒邑令

旌其廬曰人瑞永貞

衛氏商籍現居歷城太學生衛萊湄女楊不黨妻青年守節教子成立

范氏商籍現居歷城李丕烈祖母子際芳早卒撫孤孫三十年如一日

李氏商籍歷城人孫仰宗妻夫死遺子二人氏撫孤守節備歷艱辛五十餘年冰蘖不懈子孫繁盛人以爲苦節之報云

孔氏商籍現居歷城師聖之祖母早年喪夫子

病家貧艱苦萬狀壽七十五而終

柳氏商籍現居歷城武榜眼楊大立之母盛年喪夫撫育七子咸登仕籍天酬苦節良非偶然

石氏商籍歷城太學生李貢母青年守志白首完貞孝順舅姑人無間言各憲旌獎匾額如林

張氏竈籍王家岡場生員孫光宗妻年二十三夫死姑舅無依繼嗣守節代供子職姑有惡

疾氏委曲奉事積數十年無少倦撫學兩院
現在照例具題請

旌表

高氏竈籍石河場生員高煥女適同邑于氏夫
早死依母家兄弟以居苦守遺腹子汝亨讀
書成立中康熙丁酉副榜今待旌

宋氏商籍歷城庠生魏弘猷之妻夫死子幼病
姑在堂矢志守節數十年姑不覺以無子爲
苦子不至以無父失教皆氏之力也今待旌

梁氏竈籍濤洛場儒童鄭克欽妻生員梁銳女
也年二十六夫死姑老遺孤兩歲在襁褓氏
苦志守節孝姑撫子宗戚鄉黨無間言日照
縣令羅士栢給匾旌之曰節孝維風壽八十
一歲今待旌

孫氏竈籍濤洛場生員鄭彤妻單縣訓導孫敏
女年二十五歲而寡矢志守節竭力操作以
養翁姑撫五月兒能使成立讀書入泮以繼
父業日照縣令成永健表其門曰節孝垂青

今待旌

于氏東昌府庠生于凌雲女適商籍任嗣廣盛
年喪夫苦節自矢里人欲舉其節力辭不受
年七十餘今待旌

唐氏運學生余良棟母夫早卒無所存活携幼
子依戚屬於灤上躬爲紡績以辦孤兒束脩
膏火之費今待旌

張氏商籍現居歷城人吳紹基兒婦夫死無子
繼伯子以育之今待旌

丁氏商籍現居歷城人楊天延兒婦夫死無子
繼伯子爲嗣今待旌

石氏商籍現居濟寧州人李儒脩妻養姑撫子
以節孝稱今待旌

劉氏商籍歷城貢生蘇永吉母盛年苦節四十
餘載邑令旌其門曰節並松筠年近八十今
待旌

喬氏商籍歷城人劉福妻青年喪夫因姑老子
幼稱未亡人今三十餘年艱苦備嘗里人賢

之年近六十今待旌

鍾氏學使鍾公孫女商籍歷城貢生燕瑞妻盛

年夫卒持立門戶訓子讀書人以巾幗丈夫

目之今待旌

尹氏商籍現居歷城人崔應麟母青年守節撫

孤奉姑日則縫紉夜則紡績其苦有不忍言

者年近六十今待旌

德行

附註不必高節奇行震世駭俗而里有長者匪僻迴心若古之郭有道陳

太邱其人者亦天地元氣之所賴以保養也

明

萬曆間恩貢官壽張縣訓導

劉大湛

竈籍濤洛場人

萬曆間恩貢官壽張縣訓導

仰端方里稱長者有司造廬表之額曰儒林

高尚

高夢說

竈籍石河場人

故大忠相國公高弘圖贈翁性

忠厚多讓德少時齋宿常却隣婦夜奔之約

以全孀節後生相國公遂大其門明季殉國

烈烈千秋有自來矣

本朝

山東通志

卷之十三

人物

七

本傳高志清

竈籍石河場人

故福建學使者高曰聰贈翁居

鄉嫻睦性樂施與隣里貧乏有緩急每陰訪

周之不俟其告往往有賴以更生者常於夏

夜有盜入其室既執而識其人危語切戒投

高貲而遣之終身不洩其名姓兩舉鄉飲大賓

皆不就州大夫修造廬禮死之日里人徒跣

奔哭如失所親至今頌遺愛云云

楊天奇

商籍現居歷城

康熙二十八年山左大饑施粥

濟民活人萬餘自中丞以下各憲皆慕高義

旌表其門

程宗聖運學貢監生振道之父好善慕義遇人

急難多周之里中欲舉善人力辭不受

衛良魁

商籍現居歷城

兩兄早世養孀嫂撫孤姪人無

間言康熙四十三年東省大饑施粥施棺全

活甚衆

范彬運學舉人范彝子輕財好義人有急難

輒應之兄歿育孤姪若己子又嘗撫其戚屬

遺女恩同鞠育及笄厚粧遣嫁人稱長者云

高順之

竈籍石河場人

少為諸生事兩親以孝聞賦質

醇樸養品望不慕貨利存兄某少孤貧撫於

其家割宅居之已而兄欺其長厚巧以私券

沒其宅竟授之無難色其後兄死無子族人

利其貲意其挾舊恨謀之必得當竟不為動

卒為立嗣存後鄉人賢之以明經老

勲業

附註戡定禍亂黻黼文明功在社稷澤在生民氣象光燁在天地此古今

志士偉人所恃以不朽者烏可沒其壯猷哉

本朝

李之芳

商籍武定州人

順治丁亥甲科以浙閩總督統

大軍於衢州削平耿逆之亂身經大小一百

四十餘戰晝夜不解甲者二年亂平晉階吏

部尚書文華殿大學士世襲拖沙喇哈番卒

諡文襄

高文燿

竈籍石河場人

起家行陣康熙中隨故昭勇將

軍討王輔臣進戰有功授銜都督僉事累官

陝西副都統不猛而威卒伍整肅屹然長城

焉

高曰聰竈籍石河場人康熙丙午舉人癸丑進士初選

中書舍人扈

駕溫泉應

詔賦詩

上首肯稱善乙未殿試寫小金榜稱

旨辛酉典試粵東稱得人後以纂修

本朝實錄告成超授刑部員外轉戶部郎中奉

命督學福建絕請託嚴苞苴甄拔單寒不徇勢要浙

閩總督王隲特薦兩省廉明官第一既而以

連丁內外艱哀毀致疾遂不出康熙辛巳奉

旨調天下學臣赴河工旋以

溫旨遣還是年秋

上諭諸大臣簡舉賢能同時李光地彭鵬兩撫臣交

章上薦有日月爭光之語既歿床頭唯一敝

簾中貯釘封書函數十通發之則皆其視學

閩中時諸津要所遺而擲去不省者嗚呼難

哉

文學

附註清才俊彥潤色太平夙儒耆英尤關文獻文章可以譽國宰相須用

讀書豈僅綺思艷語
風雲月露之謂耶

明

劉世行竈籍濤洛場人天啓三年選貢受學於南京焦

狀元鉉一時社文多屬點勘弟子經指授登

科第去者難更僕數襟度閒放不染塵滓晚

除長沙司李不就而歿

本朝

高曰恭竈籍石河場人少為諸生工舉業每一藝出人

爭傳購之有力者為刊問業編以行世康熙

乙卯舉孝廉累上春官不第慨然曰人生何

必功名顯文章道義非吾事耶乃就學博歷

諸城淄川兩縣所至能盡得其賢豪長者風

雅鼓吹傾一時接諸生嚴正溫厚飲食教誨

如子弟諸生亦愛敬之歸田數歲猶有登堂

問起居者詩筒文郵往還不絕以終其世所

著雪懷集數卷藏於家

朱商籍歷城縣人以大臣子為貲郎工詩有雲根

清壑楓香閣觀稼樓諸集行世

任嗣章河東人以隨先世業隄來灤上舉運學
才茂才工詩文有灤涓樓藁

任弘遠運學生嗣章子也能讀父書工詩文有
鵲粵山人集見山亭集南遊草海上集西征
藁覽勝集山亭襍記鈞突泉志諸著作新城
王尚書阮亭每喜誦其春艸詩呼爲春艸秀

才

高瑋商籍貢生能詩有借青屋集十二卷
范塘運學生善書屢試優等庚午衛方伯司

藩山左興復文教集六郡諸生於白雪樓塘
列前茅至今士林猶傳頌其試牘云

馮汝楫商籍貢生衛方伯觀風山左取冠多士
白雪樓諸生談風雅者皆樂交之所著有綠
堂集

山東鹽池志卷之十三

及...

任...

堂集

自魯對前主籍風蘇香...

謝文謝商蘇貢...

候前采至今士林...

范番山法與身文...



